

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22 i 7/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 25. sjednici održanoj 26.04.2024. godine, donijela je

Autentično tumačenje člana 78. stav (2) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22 i 7/24)

„Član 78.

(2) Naknada plate za bolovanje preko 42 dana iz stava (1) ovog člana ostvaruje se prema propisu Federacije Bosne i Hercegovine kojim se utvrđuje naknada za ovo bolovanje, s tim da razliku do pune osnovne plate isplaćuje ustanova u kojoj radnik radi.“

Dio citirane odredbe člana 78. stav (2) Kolektivnog ugovora „do pune osnovne plate“ znači da poslodavac u ustanovi ima obavezu da radniku isplati razliku do pune osnovne plate radnika bez obzira na iznos naknade plate koju radnik koji je na bolovanju preko 42 dana kao osiguranik obaveznog zdravstvenog osiguranja ostvaruje prema propisu FBiH (trenutno po Zakonu o zdravstvenom osiguranju FBiH („Službene novine “BiH”, broj: 30/97, 7/02, 70/08, 48/11, 100/14 - odluka US, 36/18 i 61/22).

Odluka o autentičnom tumačenju člana 78. stav (2) Kolektivnog ugovora je donesena na 25. sjednici Komisije održanoj 26.04.2024. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Edina Pašić, predstavnik Poslodavca

Sudin Sivro, predstavnik Sindikata

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBiH -
KANTONALNI ODBOR KANTONA SARAJEVO**
n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22 i 7/24 - u daljem tekstu: Kolektivni ugovor) obratio se Sindikat, kao jedna od ugovornih strana, vezano za vezano za dopis Javne ustanove Osnovna škola „Mirsad Prnjavorac“ Vogošća, broj: 03-458/24 od 22.03.2024. godine koji se odnosi na tumačenje člana 78. stav (2) Kolektivnog ugovora u dijelu utvrđivanja prava radnika na naknadu plate za vrijeme privremene spriječenosti za rad (bolovanje) preko 40 dana a u vezi sa članom 46. st. (2) i (3) Zakona o zdravstvenom osiguranju FBiH („Službene novine “BiH”, broj: 30/97, 7/02, 70/08, 48/11, 100/14 - odluka US, 36/18 i 61/22) kojim je propisana valorizacija osnovice za utvrđivanje naknade plate u slučaju kada je porast plata radnika kod poslodavca veći od 5%.

U vezi s navedenim, obavještavamo Vas da je Komisija na 25. sjednici održanoj 26.04.2024. godine, donijela autentično tumačenje člana 78. stav (2) Kolektivnog ugovora, koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**